

SECCION AMENA.

ITZ-ONTZIA.

IPUIA.

Paris-en eta beste
 Erri andietan
 ikusi oi dirade
 Asko barriketan,
 Egunaz eta gabaz,
 Gizon itz-ontziak
 Jendez inguruturik
 Daudela guztiak.
 Batek an egiten du
 Artzaren orrua,
 Besteak or gabazko
 Ontzaren Kantua;
 Azkenik beste batek
 Arpegi berean
 Farra eta negarra
 Denbora batean,
 Erakusten duela
 Arpegia, ziñez,
 Alde batetik farrez,
 Bestetik negarrez.
 Aien artean zan bat
 Chikiratzallea,
 Guztien gain gañeko
 Gurrinka gillea.
 Chit jende asko zeukan
 Karrika buruan,
 Aoak zabaldurik,
 Bere inguruan.
 Kapa andi batean
 Zegoan bildurik,
 Bultzaka, ezin leku
 Inolaz egiñik
 Oju egiten zioten,
Fuera, fuera kapa,
 Beldurrez zezakean
 Zerbait ala tapa.
 Kapa kendu ondoren
 Gurrink egiten du,
 Añ ongi, non jendea
 Algaraz lertzen du.
 Asten da bereala

Gurrinkari abilla
 Chapela luzaturik
 Bertan diru billa,
 Eta mutiko batek
 Dioke esaten,
 Jokatuko diola
 Gurrinka egiten.
 Apostura egiñik
 Biak dira asten
 Karrikaren erdian
 Gurrinkak egiten.
 Aditu zutenean
 Chikiratzallea,
 Oju egiten dute
 Len baña ohea;
 Eta aditurika
 Gero mutikoa
Fuera, fuera. esanaz
 Jendea an dijoa.
 Galtzarbe sare bat du
 Mutillak agertzen,
 Eta cherrikume bat
 Die erakusten,
 Esaten dielarik,
 Chimurchi batekin:

—«Ez nik, mutiko onek
 »Dik gurrinka egin.
 »Zuek diozutenez
 »Chikiratzalleak
 »Egindizkik gurrinkak
 »Onek baño obeak.
 »Erriak bazinduzte
 »Zuek buru zagi
 »Ez uke justizia
 »Ibilliko gaizki.»

Agustin Iturriaga.

V^{garren} SOMAKETAREN ASKANTZA

MAMIYA.